

鄧州志卷之十四

晉廷蔣光祖振裘氏纂修

名宦

古之官於鄧者或以政傳或以節著或亦以素望顯
雖其事不多見然鄧民至今皆思之慕之尸祝而俎
豆之凡所以保乂其民人協和其庶政恒令人卽一
二以想見其餘彼其自立者誠卓然也有明以還志
乘迭興於是功德及一方者雖史氏所不載後人猶
詳書之而 國家又擇其尤異者從祀學宮所以昭
示民情激揚吏治意至厚也昔朱邑謂後世子孫奉

嘗我不若桐鄉民然則民亦何負於吏哉後之君子
可以惕然思矣志名宦

唐呂子臧蒲州河東人剛直健于吏隋大業末爲南陽

郡丞

按此時南陽郡卽鄧州故備錄之

捕擊盜賊有功高祖入京師

遣馬元規慰輯山南獨子臧堅守元規遣士諷曉子

臧殺之及煬帝已弑帝更使其婿薛君倩齎詔言隋

所以亡論子臧子臧爲故君發喪訖卽送欵就拜鄧

州刺史封南陽郡公武德初朱粲新轔子臧率兵與

元規并力元規兵不進子臧曰乘賊新敗上下惶沮

一戰可禽若遷延其衆稍集吾食盡致死於我不可

當也不納子臧請以所部兵獨進又不許俄而粲得
衆復張元規嬰城子臧扼腕曰謀不見用坐公死矣
賊圍固會霖雨雉堞崩剝或勸其降子臧曰我天子
方伯且降賊乎乃率麾下數百人赴敵死城亦陷元
規死之元規安陸人初以隊正從帝征伐持節下南

陽得兵萬餘然無謀以至于敗

唐書忠義傳

按綱

刺史呂子臧死之而不書元規以其無謀致敗也然
既死事於鄧不可謂非忠矣雖非本地職官當載入

忠烈今因唐
書并錄于此

陳君賓陳鄱陽王伯山子也武德初封東陽郡公遷邢
州刺史貞觀初徙鄧州州承喪亂後百姓流宥君賓

加意勞徠不朞月皆還自業明年四方霜潦獨君寔
所治有年儲倉充羨蒲虞二州民就食其境太宗下
詔勞之曰去年關內六州穀不登糶糧少令析民房
遂食聞刺史與百姓識朕此懷務相安養還有贏糧
出布帛贈遺行者此知水旱常數更相拯贍禮讓興
行海內之人皆爲兄弟變澆薄之風朕顧何憂已命
有司錄刺史以下功最百姓養戶免今年調物是歲

入爲太府少卿

簡唐書
循吏傳

孟威平昌人肅宗時臨湍令下車時戶不滿百爲政七

月相率歸者千餘家李華爲之記

通志

狄兼謨字汝諧仁傑族孫及進士第剛正有祖風令狐楚執政薦授左拾遺數上書言事歷刑部郎中斬鄧鄭三州刺史歲旱饑發粟賑濟民人不流徙後官至尚書左丞秘書監遷東都留守卒

節唐書

宋張承德字抱一陽曲人太祖開國元勳

按承德亦非元勳嘗

爲武勝軍節度使太平興國六年進封鄧國公

舊志

趙普字則平幽州薊人太平興國八年出爲武勝軍節

度檢校太尉兼侍中帝作詩以餞之

按前志稱承德爲節度鄧州戴

之如父母又稱趙普至郡撫治軍民大有謀爲鄧人德之皆正史所不載舊志削之是也而又虛列宦蹟夫宦蹟必以功德在本地爲主二人既無政績又非純臣不足引重去之可也

趙延進澶州頓邱人歷官右驍衛大將軍知鄧州淳化
初飛蝗不入境詔褒之官至右金吾衛大將軍延進
姿狀秀整涉獵經史好作詩什士流以此多之

簡宋史

蕪易簡字太簡梓州銅山人弱冠舉進士甲科淳化四

年給事中參知政事至道元年以禮部侍郎出知鄧

州移陳州至道二年卒

簡宋史舊志蕪易簡知鄧州專以詩書飭吏事甚得人心素

蕪易簡有題四禪院碧亭詩

寇準字平仲華州下邳人也少英邁通春秋三傳年十

九舉進士後中第授大理評事淳化中累官參知政

事加給事中至道二年罷知鄧州景德元年同中書

門下平章事準兼資忠義善斷大事忘身徇國秉道嫉邪帝以澶淵之功待準甚厚王欽若深嫉之讒於帝由是顧準寢衰凡三入相後爲丁謂所陷連貶雷州司戶參軍天聖元年卒後十一年復太子太傅贈

中書令萊國公後又賜謚曰忠愍皇祐四年詔翰林

學士孫抃撰神道碑帝爲篆其首曰旌忠

節宋史舊志準知鄧

州所得俸祿惟務施于治郡一以寬慈待民民甚德焉旣去立祠祀之

吳元辰字君華并州太原人尙太宗女蔡國公主授左衛將軍駙馬都尉累遷寧國軍留後知定州所至皆以善政聞景德三年拜武勝軍節度官至檢校太傅

元辰性謹讓在藩鎮有憂民心待賓佐以禮喜讀春秋左氏聲色狗馬一不介意所得祿賜卽給親族孤貧者大中祥符四年卒贈中書令謚忠惠

節宋史

姚坦字明白曹州濟陰人擢第累官衛尉少卿景德初知鄧州轉運使表其治狀詔嘉獎之

節宋史

陳堯咨字嘉謨闔中人舉進士第一真宗時知鄧州以

政最聞吏民懷之

舊志

按宋史堯咨守長安不法帝不欲窮治止削職徙鄧州才數

月復知制誥又堯咨所至史稱其豪侈不循法度用刑慘急須索煩擾多暴怒舊志不知所本當據正史

去

劉筠字子美大名入舉進士真宗時歷官左司諫知制

誥加史館修撰出知鄧州後遷尙書兵部員外郎復請鄧州未行進翰林學士筠性不苟合遇事明達而其治尙簡嚴其文辭善對偶尤工爲詩初爲楊億所識拔後遂與齊名時號楊劉凡三入禁林又三典貢部以策論升降天下士自筠始

節宋史

張知白字用晦滄州清池人幼篤學中進士第真宗時自右司諫知鄧州會關右流傭至境知白旣發倉廩又募民出粟以濟擢龍圖閣待制後同平章事卒贈

太傅中書令謚文節

節宋史

按府志宦蹟真宗景德初有張鑑查宋史鑑景德

初卒未嘗知鄧州

謝絳字希深其先陽夏人祖懿文葬富陽遂爲富陽人
舉進士中甲科仁宗時歷官兵部員外郎知制誥請
知鄧州距州百二十里有美陽堰引湍水溉公田水
來遠而少利不及民濱堰築新土爲防俗謂之墩者
大小又十數歲數壞輒調民增築奸人蓄薪茭以時
其急往往盜決堰墩百姓苦之絳按召信臣六門堰
故迹距城三里壅水注鉗廬陂溉田至三萬頃請復
修之可罷州人歲役以水與民未就而卒年四十六
絳以文學知名一時爲人修潔醞籍所至大興學舍

嘗請諸郡立學好施宗族喜賓客以故卒之日家無

餘貲有文集五十卷

節宋史

孫甫字之翰許州陽翟人少好學日誦數千言再舉進士及第仁宗時歷官右正言鯁亮不私以右司諫出知鄧州仕至刑部郎中天章閣待制河北都轉運使留爲侍讀卒特贈右諫議大夫甫性勁果善持論有文集七卷著唐史記七十五卷

節宋史舊志甫知鄧州在官廉介吏民不

敢欺

范仲淹字希文蘄州吳縣人少有志操學晝夜不息舉進士第仁宗時歷官參知政事以資政殿學士陝西

四路宣撫使知邠州以疾請鄧州進給事中徙荆南
鄧人遮使者請留仲淹亦願留鄧許之爲政尙忠厚
所至有恩再遷戶部侍郎徙青州卒年六十四贈兵
部尙書謚文正仲淹內剛外和性至孝以母在時方
貧其後雖貴非賓客不重肉妻子衣食僅能自充而
好施予置義莊里中以贍族人汎愛多義士多出其
門下雖里巷之人皆能道其名字死之日四方聞者
皆爲歎息

節宋史舊志仲淹知鄧州孜孜民事政平
訟理公餘營百花洲爲臺榭之勝許民遊

樂

王琪字君玉成都華陽人兒童時已能爲歌詩起進士

仁宗時歷官知制誥加樞密直學士知鄧州後以禮部侍郎致仕琪性孤介不與時合數臨東南名鎮政尚簡靜每疾俗吏飾厨傳以沽名譽故待賓客頗濶洛間造飛語起謗終不自恤

節宋史

李兌字子西許州臨潁人登進士第在言職十年凡所論諫不自表襮出知杭州加龍圖閣學士知廣州猶著清節再徙鄧州富人榜僕死係頸投井中而以縊爲解兌曰旣赴井復自縊有是理乎必吏受賕教之爾訊之果然兌歷守各郡爲政簡嚴老益精明自鄧歸泊然無仕宦意對便殿力丐退英宗命無拜以爲

集賢院學士判西京御史臺積官尚書右丞轉工部

尚書致仕卒年七十六謚曰莊

節未
史

呂誨字獻可開封人性純厚家居力學不妄與人交進士登第由屯田員外郎爲殿中侍御史出知江州上疏請建皇嗣召爲侍御史改同知諫院英宗不豫都知任守忠用事久數間諜東朝播爲惡言內外洵懼誨上兩宮書開陳大義詞旨深切多人所難言者帝疾小愈遂論守忠平生罪惡并其黨竄之南方濮議起引義固爭出知蘄州神宗時拜御史中丞王安石執政時多謂得人誨言其不通時事大用之則非所

宜又劾安石初無遠畧惟務改作立異文言飾非誤天下蒼生必斯人也如久居廟堂必無安靜之理帝方注倚安石還其章誨求去乃出知鄧州誨旣去安石益橫司馬光服誨之先見自以爲不及也明年改知河南表求致仕猶以身疾諭朝政誨三居言責皆以彈奏大臣而去一時推其鯁直居病困猶旦夕憤歎以天下事爲憂旣革司馬光往省之至則目已瞑聞光哭麗然而起張目強視曰天下事尙可爲君實勉之光曰更有以見屬乎曰無有遂卒年五十八海內聞者痛惜之元祐初呂大防范純仁劉摯表其忠

詔贈通議大夫

節宋史

韓維字持國其先真定靈壽人徙開封之雍邱好古嗜學安於靜退元祐初累官門下侍郎有忌之者密爲讒愬以大學士知鄧州後以太子少傅致仕轉少師

節宋史舊志維知鄧州有惠政百姓德之

范純粹字德孺仲淹子元祐中累官戶部侍郎紹聖間以寶文閣待制知熙州章惇蔡卞經略西夏疑純粹不與共事改知鄧州純粹沉毅有幹略才應時須論事剴切後以元祐黨人奪職黨禁解復徽猷閣待制

致仕

節宋史舊志惠政追宗文正公民併稱之

曾肇字子開建昌南豐人舉進士元祐中以寶文閣待
制知鄧州官至翰林學士肇天資仁厚而容貌端嚴
自少力學博覽經傳爲文溫潤有法更十一州類多

善政紹興初謚曰文昭

簡宋史

李常字公擇南康建昌人擢第熙寧初爲右正言知諫

院疏言新法傅會經義何異王莽猥析周官片言以

流毒天下安石遣所親諭意常不爲止哲宗初累進

戶部尙書時錢法差免二科未定常謂法無新陳便

民者良論無彼己可久者確乃折衷條上之拜御史

中丞兼侍讀加龍圖閣直學士徙兵部尙書辭不拜

出知鄧州徙成都卒年六十四有文集奏議六十卷

詩傳十卷元祐會計錄三十卷

節宋史前志常知鄧州遇事卽決案無停

臚誠心愛民

吏不敢欺

張叔夜字稽仲開封人大觀中歷官庫部員外郎開封

少尹獻文召試制誥賜進士出身徽宗末以功進龍

圖閣直學士知青州靖康改元金人南下叔夜再上

章乞假騎兵與諸將并力斷其師路不報徙鄧州四

道置帥叔夜領南道都總管金兵再至欽宗手札趣

入衛卽自將中軍子伯奮將前軍仲熊將後軍合三

萬人翌日上道至尉氏與金游兵遇轉戰而前十一

月晦至都帝御南薰門見之軍容甚整入對言賊鋒方銳願如唐明皇之避祿山暫詣襄陽以圖幸雍帝領之加延康殿學士閏月帝登城叔夜陳兵玉津園鎧甲光明拜舞城下帝益喜進資政殿學士令以兵入城俄簽書樞密院連四日與金人大戰斬其金環貴將二人帝遣使齎蠟書以褒寵叔夜之事檄告諸道然迄無赴者城陷叔夜被創猶父子力戰車駕再出郊叔夜因起居叩馬而諫帝曰朕爲生靈之故不得不親往叔夜號慟再拜衆皆哭帝迴首字之曰稽仲努力金人議立異姓叔夜謂孫傅曰今日之事有

死而已移書二帥請立太子以從民望二帥怒追赴
軍中至則抗請如初遂從以北道中不食粟唯時飲
湯既次白溝馭者曰過界河矣叔夜乃矍然起仰天
大呼遂不復語明日卒年六十三訃聞贈開府儀同
三司謚曰忠文

節宋史

劉汲字直夫眉州丹陵人紹聖四年進士欽宗時召赴
闕汲奏願得馳驅外服治兵食以衛京師時置京西
轉運司於鄧州以汲添差副使建炎元年范致虛師
至陝汲貽書勸以一軍自蒲中越河陽焚金人積聚
絕河橋一軍自陝路直抵鄭許與諸道連衡敵必解

散致虛以書謝汲而行金人再犯京師諸道不知朝廷動息者三月馮延緒傳詔撫諭謂車駕出郊定和議令諸道罷兵汲謂副總管高公純曰詔書未可遽信公純問故汲曰詔下以去年十二月鄧去涼七百里今始至州何也安有議和以三月而敵猶未退乎此必金人脅朝廷以欵勤王之師爾可速進兵公純難之汲請自行公純不得已俱至南陽不進汲獨馳數十騎赴都城二帝已北行汲素服慟哭尋代公純攝帥事捐金帛饗士爲戰守計詔鄧州備廵幸汲廣城池飾行闕所以待乘輿之具甚備就加直龍圖閣

知鄧州兼京西路安撫使汲奏欲復兩河當先河東
欲復河東當用陝兵請先從事河東以定西河之根
本於是金人復渡河諜知鄧州爲行在所命其將銀
朱急攻京西汲遣副總管侯成林守南陽金人奄至
殺成林汲集將吏謂曰吾受國恩恨未得死所金人
來必死汝有能與吾俱死者乎皆流涕曰惟命民有
諱涉山作砦以避敵者汲曰是棄城矣然若屬俱死
無益乃下令曰城中有材武願從軍者聽留餘從便
得敢死士四百人又令曰凡仕於此其聽送其家寅
出午反違者從軍法衆皆感服無一人失期及南陽

陷命將戚內將兵三千逆戰又命靳儀與趙宗印分
西南門倚之汲自以牙兵四百登陴擊見宗印從間
道遁卽自至鼎軍中麾其衆陣以待敵至皆死鬪敵
部俄而儀敗金人攻之益急矢下如雨軍中請汲去
汲不許曰使敵知安撫使在此爲國家致死敵大至
汲死之事擲贈大中大夫謚忠介

節宋史
忠義傳

附

董敦逸字夔授吉州永豐人登進士第知穰縣時方
興水利提舉官調民鑿馬渡港云可灌田二百頃敦
逸言於朝以爲利不補害核實如敦逸言免役夫十

六萬全舊田三千六百頃

節宋史

按史稱敦逸開
紹聖之禍肆詆元祐諸臣

登州志 卷之十一
瑤華之寃不能持正及見蔡京蔡卞稔惡乃論其過惡以自文本非端人始以一善附錄於此舊志刪改史傳而附明鄭撫於後蓋因前志之謬而不察也又有趙祥者宋時遣戍鄧州開門納元兵亦濫列宦蹟今削去

明孔顯靈壁人洪武二年以右衛鎮撫知鄧州時值王權亂後元將失剌把都平毀城池鄧民無居守者二十餘年顯至詢其故址相地築城修舉廢墜收集散亡民多歸業內鄉盜起率所部兵盡殲之境內安堵以功賜衣一襲尋擢正千戶後以他事調貴州烏撒左衛致仕歸鄧卒入祀名宦祠其後四世俱襲烏撒衛千戶五世孫懷又以功晉襲指揮子孫在鄧者猶

多業儒登仕籍云

蕭用謙江西龍泉人監生永樂六年知鄧州恭慎愷悌任久民安重修下默黑龍楚等堰百姓賴之

寇蔑字宗義平山人萊公之裔由監生知新野有能聲宣德中擢鄧州知州正直嚴明人不敢欺宿弊盡革賦役均平又修復塘堵等堰以興水利暇則詣學訓勵諸生文教蔚起先是城中掘地得石碣云若要鄧州治還須寇公至其政績果繼萊公今祀名宦祠

楊儀衢州人宣德時知鄧州學術正大以禮化民有爭訟者必淳淳勸諭使相感悔不得已然後用刑爲政

一毫不苟立規設法悉追古之循吏

府志

張翀字伯翼黃縣人成化十一年由舉人知鄧州招集流亡戶口倍增鋤強扶弱吏畏民懷有古循良之風焉

楊垠會稽人弘治十二年由舉人任鄧州學正敦尚行誼軌範凜然且博學攻古文詞後歷官柳州府知府吳大有崑山人弘治十五年由進士知鄧州重築外城一十五里七分又繼寇義增州治修學宮蓋自孔顯銳意興作足垂不朽者至大有僅三人其後鄧人思之崇祀名宦云

李和益都人弘治十七年由吏員除浙江運司知事擢
鄧州同知廉明有才幹冰蘖之慘兩地著聞考功郎
楊子器送行詩有小蹇長途獨去便也無琴鶴可相
隨之句後陞運同

于寬字克洪咸寧人由舉人歷知鞏完二縣正德五年
擢鄧州知州通才介守爲一時牧守最興學校修陂
堰重築外城值流賊猖獗日夜練兵撫民申飭軍令
賊不敢犯州人賴焉卒祀名宦祠

孫鎰慶都人嘉靖四年由監生任鄧州同知持身清謹
著新野南召二縣事俱有惠政陞衛輝府同知

張定字子靜代州人嘉靖十三年由舉人知鄧州爲人
勁介謹飭而心懷愷悌深得親民之體修陂堰建書
院丈地均糧士民賴之歷陞貴州叅政

周大禮崑山人進士嘉靖十六年以刑部主事言事謫
鄧州同知廉明剛直風采凜然肅宗幸承天大禮協
濟新野處置得宜不畏強禦一時多蒙其庇歷官河
南叅政

萬宗義字克方進賢人嘉靖十九年由舉人署鄧州學
正甄陶士類諄切懇至惓惓然誨人爲善視一切紛
華勢利泊如也時同宗爲冢宰每當道詢及輒以他

族應之其剛正類如此後知盧龍縣以直道不合遂告歸家居授徒士林高之

王道行字明甫陽曲人嘉靖三十年由進士知鄧州弱過蒞任練達有為虛心延訪以興利除害爲己任復陂堰修儒學築城鑿池遠外墮種樹千株時賢科久閉術者謂靈山水不至道行濬之是科卽有薦賢書者歷官河南按察司卒祀名宦祠至萬曆八年去道行三十餘年矣州人遷新學仍於尊經閣西立祀崇祀尤足以徵德澤焉

張遷浮梁人進士嘉靖三十三年知鄧州繕城池備倉

廩修公署置器用凡興利除害班班可考先是鄧未
有志僊始創修之陞刑部郎中卒祀名宦祠

潘廷楠高要人經魁嘉靖四十一年知鄧州通才博學
誠心愛民歲革徼費銀三千六百兩繕外城開煤洞
疏土山窪水以利民興學育才士習丕變又纂修鄧
志文章政事士民稱頌不衰卒祀名宦祠

鄭夢臣上虞人進士任鄧州同知入名宦

按舜臣既祀
名宦而前志

遺其傳今亦無
攷姑仍舊志

秦嘉楫上海人進士以御史左遷鄧州州判清正嚴明

先是里甲繁費民不堪命嘉楫奏削浮費差役以一

條鞭通行天下至今百姓稱便

黃錫晉江人舉人萬歷八年知鄧州服政精勤遇事有
擔當丈地均糧親歷經界雖窮鄉必達宿弊爲之一
清嘆創學宮不辭勞瘁其實心實政士民常有遐思
云

井濟博霸州文安人舉人萬歷二十一年知鄧州坦夷
率直不事塗飾值歲大饑民有食子歛骨者濟博加
意賑哺全活數萬嚴于弭盜境內賴以安汝南荒
政以濟博稱首百姓思之爲建生祠

李作舟字伯佳合州人進士以廉能選知鄧州時鄧俗

才傲作舟至以教祀爲首務禮賢育才獎善懲惡聽
訟皆以德諭不尙刑威舊俗翕然一變節省里甲調
停夫役減油稅罷權酷革五門出入稅課修城池浚
陂堰盜息民安值歲稔賑濟有方全活甚衆丁內艱
歸民扶老携幼泣送作舟亦泣尉遣之後民追思立
祠祀焉初作舟迎養其母仲子送之巴江號泣仆地
毋返返遣婦來婦亦奉姑歸養宦邸蕭然鄧人每爲
嘆息仕至河南布政司叅議祀名宦

趙沛山西岳陽人選貢生萬歷三十七年知鄧州廉慎

精敏勤宣德化修舉廢墜不避怨勞興社學立義倉

置漏澤園補修州乘有古循吏風入覲之日士民攀
卧百餘里爲生祠祀之陞鞏昌府同知祀名宦

萬一本遼東鐵嶺衛人選貢生萬曆四十年任鄧州同
知賦性孤介操守嚴潔清軍理民纖塵不染署裕州
篆緩催科勸開墾念驛路差役繁重申請協濟兩地
皆爲立石誌德陞平陽府通判

周事一武昌人舉人萬曆四十一年知鄧州寬厚明敏
律身處事悉本於正有古大臣風蒞數月境內稱治
入覲卒於京邸士民惜之

夏忠字子上蘄州人舉人萬曆四十二年知鄧州慈祥

敏練一意撫綏聽訟無留獄終日不敲撲一人治鄧
七年百廢俱舉修學宮葺公署建紫金堂立社課士
增修春風閣爲巽峰以培文氣後陞任去士民感頌
修生祠祀之卒祀名宦

曹養氣陝西蒲城人舉人天啟六年知鄧州清介嚴敏
臨事明決士民愛戴明季衙蠹窩訪之黨甚熾勾結
上役憑社噬民養氣廉知摘發嚴切有去惡欲盡之
意群蠹畏而啣之借端誣陷遂罷去時論惜之

董應圭浙江鄞縣人舉人崇禎三年知鄧州精勤練達
養士愛民修文廟改正明倫堂尊經閣力培學校六

年癸酉入覲時流寇初渡河自商洛山中直掠鄧境
承平旣久百姓驚怖應圭過宛葉聞警申請免覲遣
歸愈民登埤晝夜警備料軍實修戰具首先勞蒞立
風雪中飲食俱廢踰月成疾甲戌春卒於官士民皆
扶輓號泣送至襄漢子德偁中崇禎丙子鄉試

薛應齡福建人崇禎八年由選貢任鄧州同知勤慎有
爲時歲饑賦重知州孫澤盛嚴於催科民激爲盜人
相食而刑殺愈刻於是土寇張三崇引流賊張獻忠
潛陷外城夜聞亂應齡從孫澤盛率丁勇出戰紫金
山後兵敗澤盛死於陣應齡曰吾與城俱盡義不敢

更生矣奮戰愈力賊爭刺擊析骸而死踰月張獻忠陷內城應齡澤盛妻子俱遇害事聞應齡贈奉直大夫鄧州知州賜葬祭從祀名宦先是澤盛被議謝事聞變出戰遂及於難詔免議

任從任四川瀘州人選貢生崇禎末任鄧州同知品端守潔佐理功居多李自成再陷鄧州從仕適署泌陽縣事知州劉振世被執吏目李國璽死之鄧民乃迎從仕歸竭力繕城未幾自成僞官至從仕出奔鄖陽後屢遣海成等領鄉兵復鄧不克死於浙川因葬焉二子流寓境內不能歸士民多分養以見永思

李國璽徐州人崇禎十年任鄧州吏目勤事愛民才守兼優善騎射十四年辛巳李自成攻鄧州國璽分汛西門竭力効守與士民約曰官無崇卑名義則一脫不幸失守有死而已斷無從賊理及城陷罵賊死祀名宦自成執知州劉振世殺于郟城

按明史忠義傳崇禎十年春鄧州爲張獻忠所破知州孫澤盛同知薛應齡皆戰死十四年李自成羅汝才再陷鄧州知州劉振世吏目李國璽千戶余承蔭李錫諸生丁一統張五美王鍾王子章海寬傅彥皆抗節死前志於振世獨不詳其事第附書國璽傳後云

自成執知州劉振世殺于鄆城舊志並此刪去今據
明史補錄毋使其忠義泯沒焉

國朝馬廸吉字聖修山西夏縣人舉人順治二年知鄧州
英年敏練遇事敢爲喪亂後百姓流亡城邑隳廢夏
六月廸吉奉命賫印單騎就任鄧民流徙江漢者
望風復業至則修城池理衙署加意撫輯百廢俱興
解散餘孽掩埋白骨仍給散牛種教諸士收采遺書
雖經草昧浸浸以文教爲事冬十二月遣賊劉二虎
從襄陽渡江犯鄧境殺掠西南一帶廸吉率殘民登
城守禦至正月賊衆薄城下聲勢震駭廸吉鼓勵士

民誓以死守賊掘地道七處廸吉隨計破之夜守書
戰凡二十七日城中糧盡殺牛畜爲食撒屋爲薪人
皆感奮城守愈堅賊計窮宵遁以功陞治中未行卒
於丘所祀名宦

張光祚字雲仲江南歙縣人順治四年由進士知鄧州
居心寬厚敷政精勤事無巨細悉出已裁胥吏無所
容其奸自明啟禎來直年里長起解本年錢糧賠累
浩繁立傾身家百姓苦之光祚始議官解法罷里長
州人稱便陞禮部員外郎未行卒入祀名宦祠

陳丹字自修江南山陽人鑲黃旗籍由舉人順治十年

知鄧州通才淵識臨民慈惠備兵儲糗民不擾而事
集去蠹役除窩訪息遠訟編戶口以功紀錄陞廣西
潯州府知府仕至湖廣按察使

楊威盛字肅如遼東人生員由廣州府知府降補賦性
坦率不求多事民甚安之鄧土自歷亂後多石田威
盛蒞任七載開墾者幾十之三四自具牛車令家童
親爲樵採卽小事不以勞民也已未鄧大饑威盛捐
俸施粥力請發粟賑濟賴以全活者甚衆陞刑部員
外郎遷長沙知府卒於任鄧民聞訃塑像喜施庵而
哭之

萬愫字兆文直隸南樂人由進士康熙三十一年知鄧州政簡刑清奸猾斂跡勸農桑嚴會課修文明渠平五關街纂輯州志士民頌之行取戶部員外郎

尹椿字岱華浙江山陰人監生康熙五十二年知鄧州聿修文廟興教勸學宿弊多所釐革鄧舊有房園二租因兵餉奉文暫徵一年他州邑皆已開除而鄧獨留爲輿夫工食椿謂工食各有額數何得累民給印照悉爲蠲免至今民猶思之

范燦字電文雍正二年進士選庶吉士十一年知鄧州存心教養寬嚴互濟獄有失入犯八人久繫囹圄燦

力爲詳請俱得釋歸燦遠祖文正公仲淹嘗知鄧州人稱爲前范後范云歷官河南布政仕至巡撫

馬趨字扶遙山西安邑人由監生知鄧州性樸誠愛民如子值水患急請開倉接濟復捐俸施粥收養無告民賴全活刁嚴二水屢溢各築隄岸七十餘里建學課士培植寒素盜戢民安治鄧五載有古遺愛風

鄧州志卷之十三

古延蔣光祖振裘氏纂修

武備 武胄 武功野

書稱詰爾戎兵方行天下詩稱修爾車馬弓矢戎兵
蓋承平邇久武備尤加意焉 國家長駕遠馭文武
並用兵革不試百有餘年而戎行整飭大吏復時行
閱視詩書所稱曷以加茲夫武備之設非獨潛折逆
萌豫戒不虞亦所以詰姦盜而衛良善也鄧州新野
實豫楚之門戶我

朝特設鄧新營而駐守備於鄧視明之守禦所規模固宏

遠矣其分汛嚴密要使行不持兵邑無吠犬卽一隅
觀之大槩可畧觀焉志武備

鄧州自故明設守禦前所有正千戶三員副千戶七員
百戶十員鎮撫二員皆世襲 國初改世襲爲流

千戶爲千總順治十六年裁守禦所歸鄧州康熙九

年始立鄧新營置守備一員

駐鄧州

千總一員

分防新野把

總一員

在鄧州

額設馬步兵丁四百名三十一年裁馬

兵二十四名守兵一百五名現設馬兵五十六名

在鄧州者三十六其二十分撥新野守兵二百一十

五名在鄧州者一百六十二其五十三分撥新野凡

鄧州境內墩臺營房二十一處共用分汛馬步兵丁

七十七名其存城者馬步兵丁百二十一面外委營

書及各弁養廉公費皆在其內

計存城外委二員馬兵十四名弓箭守兵

十二名烏鎗守兵四十一名藤牌守兵二十名營書

六二名南陽底撥守兵一名守備養廉馬守兵各四
名把總養廉馬兵一名守兵三名外委
養廉馬守兵各一名公費守糧五名

守備署在子城東門內康熙九年知州黃懷玉奉 文

創建三十一年守備胡彪重修

把總署在守備署西同時奉 文創建

演武廳在土城東門外教場內

旗纛廟在守備署西每歲霜降前一日營官戎服自教

軍場率兵丁揚旌旗鼓吹迎於廟厥明祭如 文廟

儀

守備

國朝張潛蛟

真定人武舉康熙九年任陞蘄州守備

陳于前

滿城人武舉十二年任

寧士廉

燕山衛人武進士十八年任

趙光正

丹徒人行伍二十二年任

周良法

大興人將材二十七年任

胡彪

滄州人武舉三十一年任

李得時

祥符人行伍三十三年任

黃朝鳳

湖廣安陸人行伍三十七年任

趙甫

陝西寧夏人行伍四十四年任

姬魁

直隸永平人行伍四十六年任陞南陽遊擊

閃文縉

直隸大名人侍衛五十二年任陞鹽城遊擊

董中豹

山西潞安人任

朱

緒湖廣黃州人武進士六十年任

李成芳

陝西寧夏人任伍雍正四年任陞梁山都司

魏良

陝西藍田人功加乾隆元年任陞四川提標中軍守備

楊禮

祥符人功加八年任

陳士奇

福建閩縣人功加十一年任

田金科

直隸晉州人武進士十七年任

韓世雄

福建漳州人功加二十年任

把總

薛士祥

陝西人行伍康熙九年任陞新野千總拓林營守備

楊三桂

行伍十二年任陞新野千總

劉英

行伍十八年任陞新野千總

周卿

行伍二十年任

李有名

功加三十年任

刑國成

直隸大名人行伍三十一年任

田旺

福建漳州人行伍三十四年任

葛仲虎

廣東瓊州人行伍四十二年任

胡振龍

南陽人行伍四十六年任陞新野下總

韓魁

山西人行伍五十四年任

王洪禮

南陽人行伍五十九年任

耿貴先

祥符人行伍雍正十年任

黃祿

南陽人功加乾隆元年任

牛天祐

南陽人行伍十四年任

李才

南陽人行伍十六年任

構林關墩臺一座營房八間馬兵一名守兵三名州

南四十里

魏家集墩臺一座營房八間馬兵一名守兵三名州

南七十里

梁家庄墩臺一座營房八間守兵三名州西五十里
韋家集墩臺一座營房八間守兵三名州西九十里
桑家庄墩臺一座營房八間馬兵一名守兵三名州
東南三十里

白牛舖墩臺一座營房八間馬兵一名守兵三名州
東北三十里

穰東鎮墩臺一座營房八間馬兵一名守兵三名州
東北六十里

半扎店墩臺一座營房八間守兵三名州西南四十
里

武家店墩臺一座營房八間守兵三名州西南九十里

張村集墩臺一座營房八間馬兵一名守兵二名州西北六十里

十里林墩臺一座營房八間守兵三名州西北八十里

漁灘鎮營房八間馬兵一名守兵三名州東四十里古村集營房八間守兵二名州南五十里

桐栢店營房八間馬兵一名守兵二名州南五十里劉家集營房八間馬兵一名守兵三名州南七十里

夏庄集營房八間馬兵一名守兵三名州南七十里
厚坡集營房八間馬兵一名守兵三名州西六十里
王家集營房八間馬兵一名守兵三名州北四十五
里

林家店營房八間馬兵一名守兵二名州西南五十
里

趙家集營房八間守兵三名州西北五十里

羅庄營房八間馬兵一名守兵三名州西北八十里
舊守禦所

正千戶

明

蘓

斌 定遠人 洪武初調任子琦

蘓

琦

永樂年 蘓子能

蘓

能

天順年 蘓子英 不仕 傳子泰

蘓

泰

成化年 蘓子節

蘓

節

由生員 正德年 蘓子一清 蘓副子戶

周

從義

山東滋陽人 洪武初調任子原

周

原

永樂年 蘓子新

周

新

天順年 蘓子輔

周

輔

成化年 蘓子繼文

周

繼文

正德年 蘓子鎬

周

鎬

嘉靖年 蘓子淮 蘓

周

繼藩

隆慶年 蘓子詩

周

詩

萬曆年 蘓子引弟

周

孔弟

由生員 天啟年 蘓

胡

直

南直銅陵人 成化中 自橫川 蘓調任子靖

胡

靖

正德年 蘓子崇華

胡崇華

嘉靖年襲再中河南武舉流賊戒嚴與知州王道行協心城守子世安

胡世安

嘉靖年襲子永清

胡永清

萬曆年襲三中河薛武舉掌軍政

千總

國朝張正坤

明崇禎年襲副千戶順治二年城守有功改授千總

沈國菁

錢塘人順治六年任

李毓元

十三年任十六年戴守禦所

副千戶

明黑

忠

山西人洪武初調任子貴

黑

貴

永樂年襲子顯

黑

顯

天順生襲子玉

黑

玉

成化年襲弟壘

黑

壘

正德年襲子曜

黑

曜

嘉靖年襲子晉陽

黑晉陽

嘉靖年襲

党仕威

陝西延安人洪武初調任子謙

党謙

永樂年襲子隆

党隆

成化年襲子清

党清

正德年襲子壽

党壽

嘉靖年襲從孫國祥

党國祥

萬歷年襲子承爵

党承爵

天啟年襲

李勇

成化年以父鐸邊功陞任子時

李時

由生員正德年襲子鶴翔

李鶴翔

嘉靖年襲子錫

李錫

萬歷年襲詳忠烈

趙鑛

順天人成化年調任子川

趙田

嘉靖年襲從子鶴

趙鶴

萬歷年襲子承

趙

萬歷年襲子光乾

趙光乾

萬歷年襲

蔣

應天江寧人宣德年自燕山後衛調任子珍

蔣珍

天順年
襲子鉞

蔣鉞

由廩生成化
年襲子漢

蔣漢

由廩生正德
年襲子朝陽

蔣朝陽

通經史嘉靖
年襲子蕃

蔣蕃

嘉靖年
襲子念

蔣念

萬歷年
襲子蓁

蔣蓁

萬歷年襲蓁
前志作蓁

蔣應松

蘓一清

嘉靖年任世系見
正千戶子應召

蘓應召

萬歷年襲

張珉

宣德年由百
戶陞任子順

張順

天順年
襲子翔

張翔

成化年
襲弟銳

張銳

正德年襲
姪潼繼

張潼

嘉靖年
襲弟洵

張洵

嘉靖年
襲子橋

張橋

嘉靖年襲
軍政掌印

張正坤

余鉉

江西德化人弘
治年任子恩

余恩

正德年
襲子立

余立

嘉靖年襲子嘉慶

余嘉慶

萬歷年襲子承蔭

余承蔭

萬歷年襲詳忠烈

百戶

明李

鐸

南直臨淮人成化年任領兵榆林陣亡加副千戶子勇見副千戶

張賢

山東歷城人洪武年任子珉見副千戶

譙嘉壽

江西南昌人洪武二十六年調任子忠

譙忠

永樂年襲子顯

譙顯

正統年襲子洪

譙洪

天順年襲子銘中成化鄉試不襲傳子良弼

譙良弼

成化年襲正德中陞副千戶子九臯

譙九臯

嘉靖間仍襲百戶子嘉言

譙嘉言

嘉靖年襲從弟嘉福

譙嘉福

萬歷年襲子維棟

譙維棟

萬襲年

王聚

北直內黃人景泰年調任子翥

王翥

天順年襲子昇

王昇

成化年襲子能

王能

弘治年襲子爵

王爵

正德三年襲子琦

王琦

嘉靖年襲族孫田繼

王田

萬曆年襲子三錫

王三錫

萬曆年襲弟三省

王三省

萬曆年襲

鄭一海

湖廣武昌人成化年任子宣

鄭宣

弘治年襲子顯宗

鄭顯宗

正德年襲子承祖

鄭承祖

嘉靖年襲子如松

鄭如松

嘉靖年襲子尚文歲貢望江訓導絕

徐勝

南直合肥人正德年任子國

徐國

嘉靖年襲子尚忠

徐尚忠

萬曆年襲

梁忠

浙江德清人正德年任子朝

梁朝

嘉靖年襲子橋

梁橋

萬曆年襲

侯

邦

山東鉅野人正德年任弟邑

侯邑

嘉靖年任子位

侯位

萬曆年襲子萬乘

侯萬乘

萬曆年襲

陳

鵬

南直壽州人正德年任子賢

陳賢

嘉靖年襲

盧

章

南直壽州人成化年任子玠

盧玠

弘治年襲弟鉞

盧

鉞

正德年襲子東臣

盧東臣

嘉靖年襲

王

考

城人承樂年調任子慶

王慶

景泰年襲子隆

王

隆

成化年襲子平

王平

正德年襲子宅中

王宅中

嘉靖年龔子永祚

王永祚

嘉靖年龔子光先

王光先

萬曆年龔弟紹先

王紹先

萬曆年龔

王撫謙

白能

山東歷城人正統初調任子忠

白忠

景泰年龔子玉

白玉

天順年龔弟碧

白碧

成化年龔弟琥

白琥

正德年龔子可繡

白可繡

嘉靖年龔子鶴鳴

白鶴鳴

萬曆年龔弟鶴舉

白鶴舉

萬曆年龔

丁成

建昌人洪武初年流官前所百戶

鎮撫

明刑

海

北直新城人成化年任弟源

刑源

弘治年龔子秦

武備

刑

泰

正德年襲
子世爵

刑世爵

嘉靖
年襲

梁

楠

南直定遠人嘉靖
年襲任子宗堯

梁宗堯

萬曆
年襲

武胃

武功

明孔

懷

鳥撒衛千戶
後襲指揮

張存忠

寧夏衛
指揮

鄭

璽

寧夏衛
指揮

胡隆

南陽衛
指揮

夏

宗

南陽衛
指揮

李錦

信陽衛
指揮

韓

淮

新安縣
千戶

李文

綏德衛
千戶

黃

欽

城山衛
千戶

舒誠

海衛
千戶

蕭

英

太原衛
百戶

胡宗義

南陽衛
指揮

張

策

存忠後陞
都指揮

胡宗義

南陽衛
指揮

國朝張奎明前所世襲

本朝官辰常鎮標都司順治九年隨總兵徐勇出戰辰州
陷圍中力竭陣亡贈正都司

諭祭葬廕弟正坤拖沙他哈番

黃廷字華明福建人明末聚兵海上唐王封爲永安伯
投誠

本朝封慕義伯屯長樂康熙七年遷廷於鄧帶領本標兵
丁墾荒因家焉十三年從征吳三桂廿五年楊烈嘉
據穀城徵糧於鄧廷與戰二狼岡敗之鄧以無恐二
十一年從平臺灣二十三年勦羅岔俱有功子而輝

以廕仕湖南衡永彬參議道清淨不擾嘗雪冤獄亦
善詩文書畫卒於官次子德從父投誠授左都督銜
分屯江西新喻仕至安慶副將四子而炳康熙二十
三年選善團牌者而炳與焉

御試瀛臺賜飲饌緞匹二十七年湖廣夏逆亂而炳自備
鞍馬器械從襄鎮蔡元進勦師還奏擬古北鎮標守
備以母老病告歸而炳慷慨重義遇友朋困解衣傾
囊弗吝常閉戶讀老子書能詩子如麟中雍正己酉

武舉

彭始起字伯棠布政而述長子順治十八年武進士授

興安鎮標守備擢游擊康熙十三年從征四川吳逆
據朝天關始起先登斬獲甚衆又破之於蟠龍山十
四年興安鎮營弁俱受僞劄殺總兵官叛始起獨脫
身走抵鄖陽軍門告變奉

有嘉獎擢陝西督標叅將以疾乞休始起樂施子言貌恂
恂年八十卒子鼎字爾調孝友博學中康熙壬午鄉
試

鄧州志卷之十三終